


## TUAN HAJI SIRAJ



*Tuan Haji Sirāj yang baharu-baharu ini telah berjaya mengelilingi Malaya dengan basikalnya.*

Setelah setahun lamanya meninggalkan kampung Sungai Tiang Rungkup Bagan Datoh Perak maka Tuan Haji Sirāj telah berjaya mengelilingi seluruh Tanah Melayu. Pada akhir bulan Mac yang lalu ia telah berada di Singapura.

Selain daripada pengalaman yang didapatinya dalam perjalanan, Tuan Haji Siraj sempat mengadap Raja-Raja Melayu, Tuan Malcolm McDonald, Menteri-menteri Besar, Tanah Melayu Mufti-mufti Ketua, Jabatan Agama dan orang-orang yang bernama, yang sekaliannya telah bermurah hati memberi kepadanya surat-surat pujian.

Buku autografinya telah penuh dengan kata-kata penggalak dari orang-orang yang terkemuka selain daripada satu fail besar yang penuh dengan surat-surat pujian tersebut.

Langkahnya mengelilingi Malaya dengan basikal, dengan tujuan hendak menghidupkan silaturrahim dan meninjau kedudukan masyarakat dalam tiap kawasan dari dekat memang patutlah dipuji dan dihargakan-Pengarang.

## KITAB-KITAB IKHWĀN AL-MUSLIMĪN

Sedang Diterjemah ke Bahasa Indonesia

Menurut siaran A. P. B. Jakarta bahawa suatu badan orang Islam di Jakarta dengan dibantu oleh badan-badan lain di Jogja dan lain-lain sedang menterjemahkan kitab-kitab Arab karangan alim ulama dan penganjur-penganjur Ikhwanul Muslimin di Mesir

Adapun Kitab "*al-Tashrī' al-Junā'ī fil Islām*" karangan al-Marhum al-Shahīd 'Abdul Qādir 'Awdah, yang sekarang sedang diajar di Universiti Islam Jogja telahpun selesai diterjemahkan dan sekarang kitab itu sedang disemak.

Sayogia disebut al-Marhum al-Shahīd 'Abdul Qādir 'Awdah (Setiasaha Agung Ikhwān al-Muslimīn) baharu-baharu ini telah menjadi korban "tali gantung" Jamāl 'Abdul Naṣr, bersama penganjur-penganjur Islam yang lain dan kira-kira 40 000 ahli-ahli pertubuhan Ikhwan al-Muslimin sedang meringkuk di Penjara Mesir menderita azab dengan kejamnya.

\*

## KESUDAHAN KISAH

### KOMUNIS YANG MEMIJAK QURAN

Mahkamah Medan baharu-baharu ini telah menjatuhkan hukuman dua tahun penjara atas seorang komunis bernama "Fāyran" kerana dia memijak Quran dengan sengaja dengan pengakuannya sendiri dan dengan disaksikan oleh sembilan orang, walaupun ia dalam masa membela dirinya mengatakan ia melakukan yang demikian dengan tidak sengaja dan kerana itu ia meminta ulang bicara.